

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**MIŠLJENJE**

**po zahtjevu privrednog subjekta (..)\*\***

**Sarajevo,  
juni, 2016. godine**



Broj: 01-26-7-11-2-I/16  
Sarajevo, 08.06.2016. godine

Konkurencijsko vijeće Bosne i Hercegovine, na osnovu člana 25. stav (1) tačka f) Zakona o konkurenciji („Službeni glasnik BiH“, broj 48/05, 76/07 i 80/09), a po Zahtjevu za mišljenje privrednog subjekta (..)\*\*<sup>1</sup>, na 130. (stotintridesetoj) sjednici održanoj dana 08.06.2016. godine, donijelo je

### **MIŠLJENJE**

Privredni subjekt (..)\*\* (u daljem tekstu: (..)\*\* ili Podnosilac zahtjeva), podnio je Konkurencijskom vijeću Bosne i Hercegovine (u daljem tekstu: Konkurencijsko vijeće) Zahtjev za davanje mišljenja (u daljem tekstu: Zahtjev), zaprimljen dana 09.05.2016. godine pod brojem: 01-26-7-11-I/16.

Zahtjevom se traži mišljenje da li postoji obaveza podnošenja prijave koncentracije u smislu člana 12. stav (1) tačka c) Zakona o konkurenciji, tj. zajedničkog ulaganja na dugoročnoj osnovi privrednog subjekta (..)\*\* i privrednog subjekta (..)\*\* (u daljem tekstu: (..)\*\*).

Podnosilac zahtjeva je isti samoinicijativno dopunio podneskom broj: 01-26-7-11-1-I/16 od dana 20.05.2016. godine.

Podnosilac Zahtjeva navodi sljedeće:

- da privredni subjekt (..)\*\*, kao član (..)\*\* ima namjeru sa privrednim subjektom (..)\*\*,
- da bi prema trenutnim pregovorima koji se vode između Podnosioca zahtjeva i privrednog subjekta (..)\*\*,
- da pomenuta djelatnost obuhvata (..)\*\*,
- da bi (..)\*\*,
- da je osnovna djelatnost Podnosioca zahtjeva savjetovanje u vezi sa poslovanjem i ostalim upravljanjem,
- da niti jedan privredni subjekt u sklopu (..)\*\* kao osnovnu djelatnost ne obavlja djelatnost pozivnih centara,
- da osnovna djelatnost privrednog subjekta (..)\*\* obuhvata pozivne centre za odlazne pozive, tj. pozivanje telefonom korisnika drugih privrednih subjekata u svrhu posredovanja u prodaji proizvoda i usluga, kao i odgovaranje na dolazne pozive što podrazumjevaju pružanje informacija i odgovora na postavljena pitanja klijenata,
- da privredni subjekt (..)\*\* ima 100% vlasničkog udjela u privrednom subjektu (..)\*\* i privrednom subjektu (..)\*\*,
- da privredni subjekt (..)\*\* navedene djelatnosti ne obavlja na teritoriju Bosne i Hercegovine, pa samim tim njegov tržišni udjel u Bosni i Hercegovini je 0%,

---

<sup>1</sup> (..)\*\* Podaci predstavljaju poslovnu tajnu u smislu člana 38. Zakona o konkurenciji.

- da je ukupni godišnji prihod Podnosioca zahtjeva u 2015. godini na tržištu Bosne i Hercegovine iznosio (..)\*\* KM, te da isti nije ostvario prihode na svjetskom tržištu u 2015. godini,

- da je ukupni godišnji prihod Podnosioca zahtjeva u 2015. godini na inostranom tržištu iznosio (..)\*\* KM, a na tržištu Bosne i Hercegovine (..)\*\* KM.

- da je ukupni godišnji prihod (..)\*\* , zajedno sa povezanim društvima istog na svjetskom tržištu u 2015. godini iznosio (..)\*\* KM, te da privredni subjekt (..)\*\* nije ostvario prihode na tržištu Bosne i Hercegovine u 2015. godini.

Konkurencijsko vijeće kao bitne za odgovor na Zahtjev ističe odredbe člana 12. stav (1) i stav (2) Zakona o konkurenciji („Službeni glasnik BiH“, broj 48/05, 76/07 i 80/09) (u daljem tekstu: Zakon), koje glase:

„ (1) Koncentracijom u smislu ovog Zakona, smatra se:

- a) spajanje ili pripajanje nezavisnih privrednih subjekata ili dijelova privrednih subjekata;
- b) sticanje kontrole ili dominantnog uticaja jednog privrednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata, i to:
  - 1) sticanjem kupovinom većine dionica ili učešća osnovnog kapitala; ili
  - 2) sticanjem većine prava glasa; ili
  - 3) na drugi način, u skladu s odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih subjekata, koji djeluju kao nezavisan privredni subjekt.

- (2) Sticanje kontrole u smislu stava (1) ovog člana ostvaruje se putem prava, zaključivanjem sporazuma ili drugim sredstvima kojima jedan ili više privrednih subjekata, bilo posebno, bilo zajednički, uzimajući u obzir sve pravne i činjenične okolnosti, stiču mogućnost ostvarivanja dominantnog uticaja nad jednim ili više privrednih subjekata“.

Članom 14. stav (1) Zakona, propisano je da su učesnici namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio veći od 40,0%.

Ovo Mišljenje, Konkurencijsko vijeće daje isključivo na osnovu podataka navedenih u Zahtjevu i na osnovu istih je ocijenilo da nisu ispunjeni uslovi iz člana 14. stav (1) tačke a) i b) Zakona, te u tom smislu ne postoji obaveza podnošenja prijave koncentracije.

Ukoliko ovi podaci odstupaju od stvarnog činjeničnog stanja ovo mišljenje se ne može primijeniti.

**Predsjednica**

**mr. Arijana Regoda- Dražić**